

討逆將軍封吳侯建安五年曹公與袁紹相拒於官渡策陰欲襲許迎漢帝密治兵部署諸將未發為故吳郡太守許貢客所殺策創甚呼權佩以印綬謂曰舉江東之眾決幾於兩陳之間與天下爭衡卿不如我舉賢任能各盡其心以保江東我不如卿卒年二十六權追諡曰長沙桓王

三國吳

孫靜

通志宗室傳字幼臺堅季弟也堅始舉事靜糾合鄉曲宗族以為保障策破劉繇進攻會稽靜與策

會於錢唐時太守王朗拒策於圍陵策不能克靜說策曰朗負阻城守難可卒拔查瀆南去此數十里道之要徑宜從彼據其內所謂攻其無備出其不意者也策曰善至昏暮西繼然火誑朗便分軍夜投查瀆道襲高遷屯朗大驚帥兵前戰策破之遂定會稽表拜靜為奮武校尉權統事遷昭義中郎將終於家子瑜字仲異建安九年領丹陽太守十一年與周郎共討麻保二屯破之後從權拒曹公於濡須遷奮威將軍建安二十年卒瑜弟皎字叔朗拜護軍校尉時曹公數出濡須皎每赴拒號為精銳遷都護督夏口輕財能施善於交結

孫資

通志宗室傳字伯陽父羌堅同產兄也堅於長沙

策征廬江太守劉勳江夏太守黃祖軍旋定豫章資領太守後封都亭侯卒子隣嗣隣年九歲代領豫章討平叛賊政績修理名遠武昌為繞帳督遷夏口沔中督威遠將軍所居在職赤烏十二年卒資弟輔字國儀以揚武校尉佐策平二郡策討丹陽七縣使輔西屯廬江太守劉勳輔隨從身先士卒有功策上輔



廬江太守遷平南將軍領交州刺史

吳景

三國吳志吳夫人傳夫人弟景吳人徙錢唐常隨堅征伐有功拜騎都尉袁術上景領丹陽太守孫策與孫河呂範依景合眾共討涇縣山賊祖郎郎敗走會景為劉繇所迫復北依術術以為督軍中郎將與孫賁共討樊能于麋於橫江又擊笮融薛禮於秣陵時策被創牛渚降賊復反景攻討盡禽之從討劉繇繇奔豫章策以景為丹陽太守漢遣議郎王誦銜命南行表景為揚武將軍領郡如故

徐琨

三國吳志徐夫人傳夫人父琨富春人隨堅征伐有功拜偏將軍隨策討樊能于麋等於橫江擊張英於當利口而船少欲駐軍更求琨母時在軍中謂琨曰恐州家多發水軍來逆人則不利矣如何可駐耶宜伐蘆葦以為泅船渡軍琨具啓策策即行之眾悉俱濟遂破英擊走笮融劉繇策表琨領丹陽太守會吳景復為丹陽守琨以督軍中郎將領兵從破廬江太守李術封廣德侯後從討黃祖中流矢卒子綽嗣侯討平山越拜偏將軍矯弟祚亦以戰功至於蕪湖督平魏將軍


凌統

三國吳志本傳字公績餘杭人父操輕俠有膽氣孫策初興每從征伐常冠軍履鋒遷破賊校尉及中流矢死統年十五權以操死國事拜統別部司馬使攝父兵從擊山賊統率厲士卒身當矢石所攻一面應時披壞遂大破之權復征江夏統為前鋒行入右江斬黃祖將張顛時呂蒙敗其水軍而統先搏其城於是大獲權以統為承烈都尉與周瑜拒破曹公於烏林遂破曹仁遷為校尉又從破皖拜盪寇中郎將從往合肥為右都督時權徹軍前部已發魏將張遼奄至津北前兵已遠勢不相及統率親近三百人陷圍扶打權出敵已毀橋橋之屬者兩版權策馬驅馳統復還戰左右盡死身亦破創度權已免乃還橋敗路絕統被甲潛行權既御船見之驚喜拜偏將軍權勅屬城凡統所求皆先給統素愛士士亦慕焉得精兵萬餘人會病卒權聞之減膳流涕二子烈封內養於宮追錄統功封烈亭侯

全琮

三國吳志本傳字子璜錢唐人父柔會稽東部都尉孫策到吳柔舉兵先附策表柔為丹陽都尉琮





顯名遠近權以為奮威校尉授兵數千人使討山越  
 因開募名得精兵萬餘人出屯牛渚稍遷偏將軍建  
 安二十四年封陽華亭侯黃武元年魏以舟軍大出  
 洞口權使呂範督諸將拒之軍營相望敵數以輕船  
 鈔擊琮常帶甲仗兵伺敵數千人出江中擊破之梟  
 其將軍尹盧進封錢唐侯四年假節領九江太守七  
 年權到皖使琮與陸遜擊曹休破之於石亭是時丹  
 陽吳會山民復為寇賊攻沒屬縣權分三郡險地為  
 東安郡琮領太守明賞罰招誘降附數年中得萬餘  
 人權召琮還牛渚罷東安郡嘉禾二年督步騎五萬  
 征六安六安民皆散走諸將欲分兵捕之琮曰夫乘  
 危徼倖舉不百全者非國家大體也今分兵捕民得  
 失相半縱有所獲猶不足以弱敵而副國望如或避  
 近虧損非小與其獲罪寧以身受之不敢徼功以負  
 國也赤烏九年遷右大  
 司馬左軍師十二年卒

**全緒** 三國志注琮長子緒幼知名奉朝請出授兵稍遷  
 揚武將軍牛渚督孫亮即位遷鎮北將軍東關之  
 役緒與丁奉建議引兵先  
 出以破魏軍封一亭侯

**南北朝**

**吳喜**

宋書本傳臨安人涉獵史漢頗見古今為士國  
 史沈慶之征蠻請喜自隨建義事平以喜為主書

翟河東太守大明中賊歙二縣有亡命數千人攻破  
 縣邑世祖遣喜將數十人至二縣誘說羣賊賊即日  
 歸降太宗即位東兵急喜請得精兵三百致死於東  
 上大悅即假建武將軍簡羽林勇士配之議者以喜  
 刀筆主者不嘗為將不可遣巢尚之曰喜昔隨沈慶  
 之屢經軍旅性既勇決又習戰陣若能任之必有成  
 績喜乃東討百姓聞吳河東來便望風降散故喜所  
 至克捷封竟陵縣侯東土平定又率所領南討遷輔  
 國將軍尋陽太守南賊退走喜追討平定荊州泰始  
 四年改封東興縣侯除淮陵太守五年魏寇豫州喜  
 統諸軍出討大破魏於荆亭六年又率軍向豫州拒  
 魏加假節督豫州諸軍事明年還京死子徽民襲爵  

**杜稜** 南史本傳字雄盛錢唐人士少落泊游嶺南事梁廣  
 州刺史蕭映映率從陳武帝平蔡路養季遷任皆  
 有功深元帝承制授石州刺史上陌縣侯侯景平後  
 武帝鎮朱方以稜監義興琅邪二郡武帝誅王僧辯

幼參折工通

卷三十七

武功一

五

名與同行東征杜龕留稜與安都居守徐嗣徽任約引齊師濟江攻臺城安都與稜隨方抗拒未嘗解帶以功除右衛將軍丹陽尹文帝即位遷領軍將軍改封永城縣侯太建元年出為吳興太守二年徵為侍中等加特進護軍將軍稜歷事三帝並見恩寵卒於家

駱牙

陳書本傳字旗門臨安人梁太清末世祖避地臨安牙母陳親世祖儀表知非常人賓待甚厚及世祖為吳興太守引牙為將帥從平杜龕張彪等每戰輒先鋒陷陣勇冠眾軍世祖即位封常安縣侯遷越州刺史初牙母之卒也於時饑饉兵荒至是始葬詔贈牙母常安國太夫人諡曰恭太建八年遷散騎常侍入直殿省十年授豐州刺史至德二年卒

隋

陸知命

隋書本傳字仲通富春人性好學通識大體釋褐陳始興王行參軍陳亡歸於家會高智慧等作亂於江左晉王廣鎮江都以其三吳之望召令諷諭反者知命說下賊十七城得其眾帥陳正緒蕭思

行等三百餘人以功拜儀同三司知命身入下人勸高祖都洛陽因上太平頌以諷焉詔朝堂上表請使高麗曰昔軒轅馭曆既緩風沙之誅虞舜握圖猶稽有苗之伐陛下當百代之末膺千載之期四海靡清三邊底定唯高麗小豎狼顧燕垂王度舍弘每懷遵養者良由惡殺好生欲諭之以德也臣請以一節宣示皇風使彼君臣面縛闕下授普寧鎮將煬帝嗣位拜治書侍御史遼東之役為東曉道受降使者卒於師

唐

褚璆

唐書褚遂良傳璆字伯玉遂良曾孫擢進士第累拜監察御史裏行先天下中突厥圍北廷詔璆持節監總督諸將破之遷侍御史拜禮部員外郎

五代


錢鏐

五代史吳越世家字具美臨安六里中有大木鏐幼時與羣兒戲木上鏐坐大石墻羣兒為隊伍



號令頗有法羣兒皆憚之壯善射與槩稍通圖緯諸書唐乾符二年浙西裨將王郾作亂石鑑鎮將董昌募鄉兵討賊表鏐偏將擊郾破之時黃巢攻掠浙東至臨安鏐出奇兵邀之與勁卒二十人伏山谷中巢先鋒度險皆單騎鏐伏弩射殺其將巢兵亂鏐引勁卒蹂之斬首數百級乃引兵趨八百里八百里地名也告道旁媼曰後有問者告曰臨安兵屯八百里巢衆至聞媼語皆曰十餘卒不可敵况八百里乎志引兵過都統高駢表昌為杭州刺史昌以鏐為都指揮使中和二年越州觀察使劉漢宏與昌有隙遣弟漢宥屯兵西陵鏐率八都兵渡江竊取軍號斫其營營中驚擾因焚之漢宥敗走漢宏復遣將黃珪何肅屯諸暨蕭山鏐皆擊破之四年漢宏遣將朱褒施堅實等以舟兵屯望海鏐出平水破褒等於曹娥埭進屯豐山堅實降遂攻降越州漢宏走台州刺史執漢宏送鏐斬於會稽鏐奏昌代漢宏而自居杭州光啓三年拜鏐左衛大將軍杭州刺史是歲潤州即周寶奔常州鏐遣將成及杜稜等攻常州取寶以歸昭宗拜鏐杭州防禦使是時楊行密據淮南鏐取蘇常唐丹越州威勝軍以昌為節度使杭州武陵軍拜鏐都團

練使景福二年拜鎮海軍節度使乾寧二年董昌鏐以狀聞昭宗下詔封鏐彭城郡王浙江東道招討使昌遣將崔溫等屯香巖石侯鏐遣顧全武攻昌斬溫昌兵敗全武執昌歸杭州行至西小江昌投水死拜鏐鎮海鎮東軍節度使加檢校太尉中書令賜鐵券鏐如越州受命還治錢塘號越州為東府光化元年移鎮海軍於杭州加鏐檢校太師改鏐鄉里曰廣義鄉勳貴里鏐素所居營曰衣錦營婺州刺史王壇叛楊行密遣將康儒應壇鏐敗儒於軒渚壇奔宣州詔鏐圖形凌烟閣升衣錦營為衣錦城石鑑山曰衣錦山大官山曰功臣山天復二年封越王天祐元年封吳王鏐建功臣堂立碑紀功四年升衣錦城為衣錦軍深太祖卽位封吳越王開平二年加鏐守中書令改臨安縣為安國縣廣義鄉為衣錦鄉四年楊渥將周本陳章圍蘇州鏐遣弟鋸鏐救之大敗本等乾化元年加鏐守尚書令兼淮南宣潤等道四面行營都統制貞明年加鏐天下兵馬都元帥開府置官屬唐莊宗入洛賜鏐玉冊金印鏐以鎮海等軍節度授其子元瓘自稱吳越國王長壽二年元瓘卒元瓘三年卒年八十一諡曰武肅



錢元瓘

五代史吳越世家原名傳瓘字明寶少為質於田頽頽叛於吳楊行密會越兵攻之頽戰死元

瓘得歸鏐臥病諸將皆曰元瓘從王征伐最有功請立之鏐名元瓘曰諸將許爾矣襲封吳越國王天福六年卒諡文穆十國春秋處州刺史盧約弟信寇永嘉傳瓘承王命伐永嘉信列巨舟四十艘於清澳海門以邀我師傳瓘謂諸將曰賊銳卒盡在此矣姑弗與戰當由他道竟襲賊壘出其不意必成擒也於是自安固江登陸而襲之遂斬信資洽通鑑吳行營招討使李濤帥眾二萬出千秋嶺攻吳越衣錦軍鏐以傳瓘為北面應援都指揮使救之千秋嶺險狹傳瓘使人伐木以斷吳軍之後而擊之吳軍大敗擒濤以歸吳遣宣州副指揮使花虔將兵會廣德鎮使滿信屯廣德將復寇衣錦軍傳瓘就攻之拔廣德獲虔信以歸文獻通考錢鏐大舉伐吳以傳瓘為諸軍都指揮使帥戰艦五百艘自東洲以進吳遣將拒之傳瓘命每船皆載灰豆及沙戰於浪山江吳船乘風而進傳瓘引舟避之既過自後隨之吳回船與戰傳瓘使順風揚灰吳人不能開目及船舷相接傳瓘使散沙於已船而散豆於吳船豆為戰血所漬吳人踐之皆僵仆傳瓘因縱火焚吳船吳兵大敗

錢弘佐


十國春秋字元祐文穆王第六子天福六年即位開運三年南唐李景攻閩李弘達更名

達遣將徐仁宴等奉表稱臣乞師王名諸將計事諸將皆不欲行惟內牙都監使水邱昭券以為當救王曰吾為天下元帥曾不能恤隣難將安用之命昭券專掌用兵內都監使程昭悅掌應援餽運而以軍謀委丞相元德昭遣統軍使張筠趙承奉將兵二萬水陸救福州十一月兵至福州自督浦南潛入州城唐兵進據東武門禦之不利二年三月王遣將余安自海道救福州兵至白蝦浦泥淖方布竹簣以行唐軍聚射之簣不得施縱兵登岸大呼奮擊大破唐兵獲其將楊匡業蔡遇等器械數十萬遂引兵入福州李達舉所部歸附五月凱旋王饗將帥於光冊堂賞賚有差六月王薨諡忠獻王

錢俶

東都事畧字文德吳越王佐卒弟俶繼俶廢俶時鎮浙東遂渡江襲位漢授以東南面兵馬都元帥

仍領鎮海鎮東節度使至周以天下兵馬都元帥處之宋興改大元帥開寶六年俶募吏入貢太祖謂之



曰汝歸語元帥常訓甲練兵江南偏疆不朝我將討之元帥當助我無惑人言云皮之不存毛將安附命有司造禮賢宅以待兩浙江南之先來朝者王師討江南以倣爲昇州東面招討制置使李煜貽書於倣曰今日無我明日豈有君一旦易地酬勳王亦大梁一布衣耳倣以其書來上加守太師又遣大將沈承禮率兵隨王師平潤州詔倣歸國江南平倣來朝太祖待倣甚厚自晉王宰相及中外臣僚上章請留倣太祖曰倣委質來朝若利其土宇而留之何以示信於天下及倣歸國太祖以黃絹封文字一復付倣曰俟到國卽開之倣至國啓封皆留倣章也倣上表謝太平興國三年復來朝遂以國歸有司太宗改封叙淮海國王以禮賢宅賜之倣以天下旣平求去元帥之稱從之改漢南國王雍熙四年出爲武勝軍節度使從國南陽旣又辭國號改封許王端拱元年薨諡曰忠懿


成及

吳越備史字弘濟錢塘人咸通中捍山賊逐齊寇武肅王同事攻討漢宏鎮將孟安謀亂卽席奮劍將犯王及舉胡牀制之因執孟安就戮復爲靜江鎮將

光啓中命征潤州薛明常州刺史實具半池師遺美女於諸將及取而斬之餘悉不納因克之等平潤州授充常州防禦使等爲蘇州刺史乾寧時淮人圍姑蘇常熟鎮將陸郢巡檢郭用與共黨趙即以城應城陷及至淮南楊行密僻爲行軍司馬及日以百口托於錢塘不幸城陷至此豈宜復以本道符竹援富貴於隣境乃引佩刀自刺行密遽止之厚禮而歸焉署鎮海軍節度副使天復中王巡衣錦軍命武勇都將士治溝洫軍中作亂及護王駕迴至北郭王微服將入城及乃代乘王車行與賊鬪王遂得入累授保大彰義等軍節度使

杜稜

十國春秋字騰雲新城人唐乾符廣明間盜賊寇掠兩浙杭州練諸縣鄉兵討之稜爲東安都將更號武安營八都董昌爲長武肅王副之僖宗拜王爲杭州刺史稜傾心事之潤州牙將劉浩逐其帥周寶奔常州浩推薛朗爲帥王命稜與成及阮結討之敗其將丁重德趙君度取常州奉寶歸杭除常州制置使大順二年王以淮南數侵邊境令稜築東安城自固稜相險易度資用因山爲城環城以池越十月而



訖事王領鎮海節度使稜充副使王討董昌昌乞師  
淮南淮南將田頌安仁義率眾攻東安稜憑城自守  
會乏水穿井百尺不得泉稜默禱於神泉即湧地出  
頌仁義號勇將樓櫓翔空矢石交迸稜隨機應敵斃  
淮南兵於城外者無算唐進  
稜行軍司馬累官潤州刺史

阮結

十國春秋字韜文錢塘人唐末杭州建八都結亦  
與為副焉結出入武肅王左右號親校中和二年  
以征劉漢宏功奏授散騎常侍光啓三年  
征常州又平潤州四年充潤州制置使卒

吳公約

十國春秋字處仁餘杭人黃巢之亂杭州八都  
既建已而析號十三都公約其一也初負膽畧  
為縣豪會朱直起兵應募西討以功置西桂鎮退使  
未幾從董昌禦黃巢於西鄙加御史中丞奏置都額  
改岷石為訓兵之所摧鋒破銳日有聲稱武肅王破  
越州公約驍果先登兵罷拜千牛衛將軍劉滯平鑑  
功擢散騎常侍徐約陷蘇州工委公約專征授北而  
諸軍行營招討使克蘇州授義和鎮遏使兼本軍水  
陸都遊奕使准人稜擾公約扞禦疆域屢挫敵  
鋒遷工部尚書俄改刑戶二部乾寧四年卒

馬緯

吳越備史餘杭人初與錢鏐俱事董昌昌使鏐  
部伍亡其名籍鏐因歷唱之存亡健悍皆無遺失  
綽密謂鏐曰老子思猜駭公強記當必相圖乃以自  
紙數番授鏐若代軍籍者鏐深德之因以其妹歸緯  
緯隨昌於越州尋棄家犇鏐授諸城都指揮使徐結  
之亂緯有發懸門功鏐命子元瓘納緯女緯累職鎮  
東軍節度副使兩浙行軍司馬  
睦州刺史雄武軍節度使卒


曹圭

曹師魯

嘉靖仁和縣志圭少有膽氣唐末仕吳  
越為嘉興都將准人圍嘉禾圭與其族  
人師魯守之淮人望氣者曰此雖孤城中有貴人不  
可圖也嘉禾平以功授蘇州刺史開平中淮人復圍  
姑蘇屬正月望夜師魯第盛陳燒燈之宴賊俘執者  
咸縱觀之圭以浙西營田副使終於蘇州師魯形短  
小而多智鏐嘗稱曰今之  
晏嬰人因號為曹晏嬰

吳敬忠

十國春秋於潛人從武肅王以八都兵討劉漢  
宏有功及王出師討田頌敬忠先登陷陣奏捷  
而歸王封吳越兩國敬忠授浙西營田副使兄順以  
功擢鎮海軍保城都指揮使弟訢子八人皆本國皆





顯貴

錢元璩

吳越備史字德輝武肅王第四子起家授沂王府諮議參軍累遷散騎常侍馬軍廳事指揮使

天復二年徐綰叛顧全武請奉王子之邦溝武肅以准帥常請結姻好乃遣元璩微服為全武僕而去比及望亭有逆旅媪輒識之至潤州安仁義亦知其非常將以其下十人易之全武懼因賂關中宵而去及抵邗溝指陳逆順之理淮帥為之動容即日遣使命田頵還軍廣陵等逆婦而歸後累征綰雲新定皆有功授邗州刺史尋征吳興高澧及攻東州復授睦州刺史遷蘇州累授中吳建武等軍節度使太傅同中書門下平章事待中中書令文穆王卽位

杜建徽

吳越備史稜子少強勇嘗於山莊構小菴齋私署軍州押衙紀於棟稜加督責對曰大丈夫何

止一軍事押衙耶稜歸武肅王建徽以父命盡心於王稜在常州為淮南所逼建徽馳赴父難未及境而城已拔乃率部還新登及稜自淮南歸軍中嚴整無改稜稱之累從征伐皆單衣入陣賊眾無不披靡軍

中謂之虎子徐縮之叛馳入援賊將聚木焚北門建徽持火鉤取其木先焚之賊計遂罷睦州陳詢叛王以建徽為詢姻婭使馬綽伺其意建徽曰陳氏負恩昔義徽既姻婭義當見疑然累書敦諭享天后土苟或鑒照則拔城獲書至王嘉歎久之每朝會王必指之降持建徽所遺書至王嘉歎久之每朝會王必指之日此杜丞相今日奈有一方多其力也忠獻王時建徽春秋高尚能騎射嘗從擊毬於廣塲與酣宿中箭鏃自臂中飛出人皆壯之歷官自武安都將至涇源昭化等軍節度使吳越國丞相封鄖國公年八十卒


曹仲達

吳越備史圭子少時圭嘗節其衣食雖嚴冬尚

見而奇之以妹儷焉累授台處二州刺史文穆卽位命仲達權知政事國建拜丞相忠獻王卽位復攝政事時大賚中外軍中有言不均者輒舉仗不受賜諸將不能制仲達諭之因皆釋仗而致謝卒諡安成

水邱昭券

傳詳忠臣



宋

錢惟濬

宋史新編字禹川，椒子。裁數歲，表授節度副使，檢校太保。宋初，領建武軍節度，加至太尉。後

授鎮東等軍節度大軍征金陵，惟濬從。椒下，毘陵以功加平章事。太宗即位，加兼侍中。椒獻地徙淮南節

度，加檢校太師。從平太原，征幽薊，又從幸大名、雍熙。中，歷鎮安州、端拱，初封肅國公，加兼中書令。淳化初

卒，追封弟王謐、安信。

錢惟治

宋史新編字和世，琮子。椒養為己子，累遷檢校太保、台州團練使。乾德中，制授寧遠軍節度使。檢

校太傅，與惟濬節旄同日而至。國人榮之。王師討江南，惟治從。椒率兵平常州，勳改奉國軍節度使。太

宗嗣位，進檢校太尉。椒統土惟治歸朝，改領鎮國軍節度。雍熙三年，大出師征幽州，命惟治知鎮定軍

府事，兼兵馬都部署，訓兵饗士，勤政務，累上表請罷節鎮，優詔不許。景德中，轉右武衛上將軍，累加左驍

衛上將軍、左神武

孫承祐

宋史吳越世家。錢塘人，椒納其妙為死。因擢節度事，開寶初，隨椒子惟濬入貢，詔授鎮東鎮海等

軍行營司馬。王師渡江，詔椒以所部會攻常潤。承祐從，椒克毘陵，功居多。太平興國中，椒獻其地，徙承祐

泰寧軍節度使。五年，從幸大名，留知府事。雍熙二年，改知滑州，卒。

贈太子太師。

崔仁冀

續資治通鑑長編字子遷，錢塘人。事吳越為通儒，院學士。太祖召吳越進奏使任知果，命諭旨

於其王，椒曰：元帥克毘陵，有大功，俟平江南，可暫來與朕相見。仁冀告椒曰：主上英武，所向無敵。今天下


事勢已可知，保族全民策之上也。太平興國三年，椒入朝，與仁冀決策表獻所管十三州一軍，以仁冀為

淮南節

錢禹卿

晁補之錢禹卿墓誌：字仲謨，椒曾孫。以父任為太廟齋郎，調雲安尉。徙令繁昌，改大理丞。擢通

判霸州，遷通直郎。在霸州有告權塲火者，眾相傳遠，兵至守陴，警備禹卿曰：何至是？遣捕之，果小偷也。在



環州屬靈武用兵守辟禹卿提舉糧草夏縱抄而禹卿崎嶇獨全霸環西北要害郡朝廷方欲用之而禹卿於元豐

五年卒

沈晦

宋史新編字元用錢塘人選之孫宣和進士除校書郎遷著作佐郎金人攻汴京從肅王樞出質幹

商不軍還為給事中高宗即位除集賢殿修撰歷知建康府紹興四年為廣西經畧兼知靜江府先是南州蠻酋莫公晟歸朝授本路鈐轄羈縻之歲久遁去旁結諸洞蠻為邊患晦招誘諸酋諭以威信皆詣府請降晦犒遺之結誓而去自是公晟孤立不復犯邊晦在郡歲買馬三千匹進徽猷閣學士召赴行在除知衢州改潭州奉祠卒

俞灝

咸淳臨安志字尚卿世居杭登紹熙四年第任淮軍石梁河以遏其鋒金擣虛不入而遁再遇知揚州灝平湖海多灝計畫再遇欲誅脅從者灝救活其衆開禧議開邊灝言輕脫寡謀之人不可信趙良嗣張覺往轍可鑒歷秉旄節皆有聲寶慶二年致仕

元

許懋

嘉靖海寧縣志字國器元季值歲饑發家儲振貸復以萬戶長督海運抵大都授杭州路治中不就紅巾賊起懋倡子弟義勇力戰却之

明

楊寧

獻徵錄字彥謐錢塘人宣德進士拜刑部主事止統已未隨征麓川師次境上賊遣人款軍門約降主將欲許之寧曰不可兵未加而敵降是誘我也弗聽曰必欲許之請嚴兵以備不虞衆謂寧迂傲令督運於金齒不旬月賊衆奄至士卒多陷還京將兵者率被譴寧陞郎中辛酉大舉伐麓川總督王驥仍以寧行寧督戰益力士卒咸用命遂克之又進攻杉木籠顧身督戰力守寧曰賊狙於前勝當多方以誤之使山賊柵險拒守寧曰賊狙於前勝當多方以誤之使不暇併力乃可圖驥用其言令諸將各視形便以進諸道俱奮連破七砦乘勢擣賊巢圍之因乘風舉火烟焰漲天賊不知所為死鋒鏑及墮崖溺水者不計



其數師還陞刑部右侍郎奉命參贊雲南軍務至則  
練兵伍督耕屯懷撫遠人民夷悅服時麓川賊首逸  
於緬寧簡銳師若將有所向者先遣使奉詞責緬緬  
人懼求出賊自效率誅大憝函其首以獻還朝未幾  
閩浙東廣寇竊發江右密邇三境命寧巡撫寧至按  
視郡縣當賊衝者增城垣立掛柵以斷要路團集鄉  
兵訓以武藝賊有侵軼者輒擊斬之以故賊聞風畏  
避不敢犯景泰初還京拜禮部尚書調南京刑部天  
順改元

鄭顯

獻徵錄字士昂錢塘人宣德舉人授江西樂安縣  
教諭邑無賴曾子良輩嘯聚大聚山顯率民兵出

戰賊潰邑賴以寧權監察御史坐雲南按察司副使  
時麓川思機發不靖靖遠伯王驥薦顯參贊總兵征  
南將軍沐昂軍務討賊攻圍貴州地方告急顯曰唇  
亡則齒寒即與總兵調兵策應賊聞之宵遁烏撒畢  
節赤水永寧站路營堡被賊燒燬遣指揮使楊濬率  
軍整葺之騰衝與麓川接壤添設衛所顯區畫布置  
立營以居分田以耕立市井有無相易保障益固  
入理寺少卿督運糧餉陞右僉都御史參贊如舊思

機發竄伏緬甸朝廷欲發兵征捕顯奏遣都指揮等  
官往諭之緬甸即出思機發之母子妻女械送京師

左僉都御史調  
福建按察司副使

沈慶

嘉靖餘杭縣志字仲會學博才瞻尤精兵法宣德  
舉人官翰林院五經博士大學士陳循薦宜大用

陞湖廣按察司僉事時靖州五開等處苗賊生發把  
截道路慶相地設官繫山濬河自偏道鎮直抵黃平  
迂道千餘里據壕立兵以地利制賊賊李珍蒙能大  
肆猖獗慶親率兵突陣殲厥渠魁擒其黨二百餘人  
陞本司副使巡邊整飭兵備成化初復領漢土官兵  
十萬餘眾進攻臘屋桃林武岡南洞等處一鼓擒獲  
賊境悉平進階亞  
中大夫請老歸

鄭暹

天啓贛州府志錢塘人正統初由鄉舉任贛州通  
判十三年閩廣盜起暹躬率丁壯萬餘人設法防

禦境賴保全  
超陞知府

王業

兩浙名賢錄字時泰世襲仁和衛副千戶祖父世  
共職業年十六襲職京師適車駕北征例當扈從



業在軍中動循紀律而勇畧過人既凱還任吉安專督屯事而一軍政務咸咨焉梅花峒寇作業往平之永豐大盤山賊首曾子良聚眾劫殺郡守陳本深謀於業業奮然曰兵固不敢擅調然民患之急如此可坐視乎古有先發後聞者即日選精兵二百餘人倍道以行或諷其急業曰彼賊烏合之眾耳若少緩則有備猝至逼其營壘一鼓而勝之捷聞陞本所正千戶闔浙寇起遣大將軍陽侯往討之吉安軍當調業統以往從都督劉某殺丁公崖賊大軍潰而業軍獨全因歎曰吾不得用其智而徒制於人上不能為朝廷殺賊下不能為生民除害何以為人臣遂以鬱憤卒業為人輕財好義撫馭士卒嚴而有恩臨陣勇氣勃發目光如電橫戈而往前無堅敵有古名將風

蔣琳

成化杭州府志錢塘人驥子清強鷲銳勇於立功巡撫貴州提督總兵軍馬先是草塘寇叛官軍屢挫琳至計須獮蕪而總兵以下難之琳乃躬為之奮率先以征一鼓直抵巢穴掃汛而還蠶書褒嘉有忠誠謀勇盡心為國之語自是諸苗斂畏後坐于謙黨論死

崔端


兩浙名賢錄字正海寧橋指揮僉事備戰於手刃人浙藩檄端防護端耀兵戰旅臨之以威倭帖服無何處婺山民相扇弗靖都督徐恭統兵剿之端才概為前鋒端率勁兵擣其巢生擒賊首陶得禮上功幕府進指揮同知備倭把總分守浙東端感激自奮水陸之行無一日休而勞頓困憊疽發於背疾革大呼曰大丈夫不以馬革裹屍竟死於牀第問予言畢而逝

彭信

杭州府志字中孚仁和人景泰進士巡按廣東時嶺南未靖武將專征頗易信儒生及出師誓眾為帥指陳方略揆度事機切中肯綮卒之殄滅狡寇兵無挫衄信功為多俘奏帥以所得賞讓信信曰吾文士也吾身有階奚以武為人多其不伐

洪鐘

毛奇齡洪鐘傳字宣之錢塘人成化進士授刑部主事江西福建賊新定鐘奉使安置歸言福建武平上杭清流永定及江西安遠龍南與廣東程鄉率流移混雜習鬪爭以武力相尚故易亂宜令有司立



鄉社學銷兵器教之詩書禮讓以化其姦慝時謂知  
 本之言弘治中陞四川按察使時安氏世據馬湖恃  
 力爲一方患鐘設策去之而請吏治其地歷陞右副  
 都御史巡撫順天兼整飭薊州諸邊備鐘增築邊牆  
 自山海關界嶺口西北至密雲古北口黃花鎮直抵  
 居庸延亘千餘里繕復城堡二百七十且悉城沿邊  
 請縣使各有所守改雲貴巡撫督理漕運正德中以  
 左都大子少保出總川陝湖北四省軍務時沔陽洞  
 庭水寇卽仁揚清攻掠城邑鐘調土漢官兵分道進  
 勦敗賊於麻穰灘賊平藍五鄂老人倡亂烏合十萬  
 餘人鐘督兵進勦賊敗求撫然意在緩師依山爲營  
 預邀裂營山縣地且欲得旗牌官爲質劫掠如故鐘  
 洋許之會藍五以所掠女作已女飾嫁承順土舍彭  
 世麟以結驩世麟軍門受之鐘令藍五所親鮮于  
 全說五及老人帥賊衆王金珠等二十八人來會伏  
 殺盡擒之衆聞變大潰鐘遣諸路兵分道追勦擒斬  
 七百餘人招降十餘萬露布以聞其後土官楊友楊  
 愛相仇激爲變流劫重慶保寧諸州縣鐘隨調兵勦  
 平之進太子少保未幾乞歸嘉  
 靖初有司勞率諡襄惠

鄧梗


閩書字良用仁和人嘉靖進士任福建巡海道賊  
 漳州時海禁廢弛奸民闖出入賈禍名寇梗下令

曰凡奸民爲賊問及違禁出物廉有狀者殺無赦羅  
 織相告者勿詰於是反側帖然益濬墮增俾選卒厲  
 兵徙四郊積蓄入城中使賊無所掠倭寇合兵犯長  
 泰選火藥手百人躡擊之賊宵遁又遣舟師攻海寇  
 於月港銅山清浦諸處凡七克捕斬無算餘寇自月  
 港掠舟入海將遁遣義士沈講率所部兵與官兵倚  
 角邀賊舟於東燈以巨艦衝  
 沉之擒斬二百餘寇盜悉平

陳洪濛

兪州史料字元卿臨安人嘉靖進士刑部主事  
 歷遷江西按察副使九江兵備除戎器蒐卒補

艘完城堞盜起必窮其窟而洗之歷陞右副都御史  
 巡撫貴州兼督川東辰沅諸軍時施州蠻黃中叛跳  
 川東支羅牛欄坪圍剽掠旁郡邑詔洪濛偕楚蜀二  
 鎮合兵討之洪濛自川東率大軍入深箐多張疑兵  
 誘其毒矢石殆盡而問道募死士繞出其後急擊大  
 破殺擄千五百餘級焚洞砦百餘蜀兵亦從西北躡  
 之黃中迫挺身跳入楚叩軍門請死當是時貴與蜀  
 有戰功而楚坐得酋首蜀與楚爭功不能決洪濛第



謂楚蜀勢異不有勦者誰與撫地不有撫者誰與勦窟且皆天威也三省安得徽之疏上大司馬推洪濛能讓而洪濛又與都督石邦憲合策破叛會楊瑄之六洞十二寨悉俘其父子兄弟餘黨歸農者以萬計屬疾疏請骸骨許之當候代傳鎮遠叩水巴狼苗普面等叛與疾刻平御史上前後功賜白金文綺加等

馮觀

海寧縣志字晉叔嘉靖進士授職方郎庚戌之事觀守西直門撫軍節威令整肅轉武選歷陞廣東左參政行部樂晉粹遇猺賊橫掠從者皆走觀獨衣冠端坐賊輿之入巢求犒觀正色曰若不知馮參政耶安得犒賊乃復與觀出駐韶州觀於入巢時已窺其要害奪集勁卒千人出不意問道襲之遂獲巨寇俘其黨百餘以

吳玘

獻徵錄字汝瑩錢塘人嘉靖進士拜行人歷廣東布政司參政蒐土卒立保伍明法令察盜出沒根苗而交除之境以大寧連寇作督師征之殺二千餘人降千餘人清遠險而多盜以卒六百人鑿山三十里為梁二十有一舟用得挽以濟籍民舟之賈於海者什伍為綱紀約寇至共擊之其去為盜者眾發


顧言

杭州府志字子行仁和人嘉靖進士知惠州府烏蛇李文冲及其黨千餘人願為農者釋之時又有花腰蜂等三千餘人流劫鄉鎮言圖畫進軍機宜山川險隘為書曰惠陽圖說上之軍府請調發時以湖寇為急兵力未能及惠言乃令辨士入賊巢陳說利害賊感悔悉降歷遷雲南按察使

宋應昌

獻徵錄號桐岡仁和人嘉靖進士知絳州歷進州副都御史巡撫山東首請加意防海復營衛巡司諸奮制萬曆壬辰倭突入朝鮮國王李昞走竄義州拜應昌兵部右侍郎經畝遼山東保定等處防海禦倭軍務應昌出關臘月與提督李如松踏冰渡江正月兵薄平壤倭將平行長策飛樓鑿牆守陞丹峯以相騎角應昌指授方畧圍其三門外布鐵蒺藜數重火器齊發毒烟蔽空大軍含解藥仰面攀附而北諸門盡破斬首焚溺死者無算行長捲營遁時聚倭三十餘萬當入道之中去釜山五百里倭不

之不發與坐海鏡頓頓此固知兵更習吏事會有事安南治益勤以嘉卒



退朝鮮不可復應昌畫依山俯攻之策夜令死士以  
明火箭射燒龍山倉十三座糧盡倭棄去應昌又遣  
兵追擊至南原又追及晉州斬級甚眾倭自此仍還  
釜山舊巢復遠遁熊川西生浦是役也索回王子陪  
臣宮眷百餘人斬倭首二千餘級克復平壤開城還  
故地二千五百里甲午三月留劉縉兵居守乞骸歸

郭孝

仁和縣志字可忠嘉靖進士任刑部主事歷湖廣  
僉事備兵惠潮嶺表盜賊充斥巨寇曾一本林道

乾為之魁巨艦乘風出沒波濤間孝至大修戰具遣  
人諭以禍福道乾倒戈降而一本獨頑梗不受撫因  
檄閩廣兵寇日大舉孝親執袍鼓立矢石間士氣百  
倍遂大破之一本遁去調河南再遷江西副使分巡  
饒南饒襟帶長江洪濤千里盜賊剽掠行旅苦之孝  
增置戰艦星布要津賊即受捕江道遂清嘗獲礦盜  
數百人悉杖而遣之曰此貧乏者求延旦夕耳不以  
功聞也等轉福建左參政過莆陽環視城形三面平  
曠東南外擁高山城俯接其下孝曰此齋竇也增  
闢城址圍其山於城中陞貴州按察使致仕歸

盛德

於潛縣志字大本以明經入太學授南城兵馬司  
副遷鎮江府通判時海寇王良勢猖獗臺司命德

領前隊往勦德鼓眾乘風夜抵賊舟良驚以為神寇  
水遁去眾亂遂殲之隨撫其降卒二人為鄉導直搗  
其巢生擒良以歸大帥湯震駐師四十里外聞報揚  
帆遽至盡攘其功僅獲賞宴加級等以疾致仕歸

江鐸

獻徵錄字士振仁和人萬曆進士授刑部主事出  
守福州歷陞山西參政晉按察使會播曾楊應龍

反於蜀朝議擢鐸僉都御史巡撫偏沅時總督李化  
龍分八道進兵川師四路黔師三路鐸統楚師次黃  
沙圍一路分兩翼由白泥由龍泉夾攻板角關破之  
再進破馬瑙長坎保子等圍奪榕木關進屯青蛇圍  
遂入三渡關乘勝直抵海龍圍海龍於諸險中為最  
賊負嶠時暑雨甚藁箐中多重嵐毒霧師深入而餉  
不繼鐸改長運為接運每三十里設營置運卒數千  
前運未行後運已束載而待士乃宿飽破土月二城  
應龍自縊論功廕一子世錦衣指揮洞蠻皮林在湖  
貴交與九股苗相接有吳國佐者洪州司特洞寨苗  
也桀黠無賴通漢語畧知文義素往來諸苗洞習其  
會畚咸推服之遂反合其黨石纂太攻上黃堡敗叅  
將黃冲霄縱掠屯堡七十餘特方征播未暇討既平  
播鐸移駐靖州命總兵陳璘率副將李遇文等七道





以進擒苗酋銀貢等攻破特洞焚之國佐逃天浦追獲之石纂太逃廣西上巖山指揮徐時達誘縛之賊黨楊永祿率眾萬餘屯白冲遊擊沈弘猷等夾攻生擒永祿諸苗悉平初鐸語諸將曰皮林外有衢內有險諸苗營窟甚固非先以文告解散凶黨則渠魁未可旦夕平也下令禁妄殺開招撫明賞格戒騷擾逮進攻又嚴禁各軍之殺奪者以是諸苗歸順

洪瞻祖

杭州府志字詒孫鐘曾孫也萬曆進士由庶吉士為兵科給事中烏江當貴播之界南岸則烏

江關循江而下北屬播南屬貴水西稍侵界土總督王象乾責水西退出所侵地欲以為功瞻祖謂安氏二百年來與流官無異其兵則勇冠諸苗其人則戇而戀主其地則澶南門戶督臣何故爭之且沙溪墩土所爭幾何全播之間得不償失智者不為也神宗以兵科議是會延綏總兵麻承恩陳璘納略兵部尚書有所改授瞻祖疏劾本兵通賊私污廷議首輔沈一貫不能庇乃得罪去中察典補嘉定丞擢南行人副歷陞右都御史巡撫南贛時閩廣黠賊匿深箐中官軍多失利瞻祖檄諸郡兵分路合勦身歷蠻瘴中

是嶺渡汀冒矢石執桴鼓斬賊渠子妻等一千餘人燬員子山等三十餘巢奪還男婦牛馬器械無算

省令奏其功而瞻祖已乞骸歸家居四十餘年卒

陳九思

萬曆錢塘縣志本姓鐵始祖堅為元守和州降

身辟幹有氣傑萬曆十年襲職又以武科授吳淞參將嘗操小舟出沒三江間大盜竄伏輒復擒獲倭勢披猖沿海亡命相為窟穴一夕悉戮之轅門與倭戰禦之海上敘功陞永平副總兵歷真保薊津等處總兵官所至有奇績以病回籍卒

盛本一


於潛縣志字子元萬曆選貢授山東平度州同

因掠故弗救密遣心腹投賊遂設伏要害獲鳳鸞等餘眾悉就撫老稚羅拜曰十年之寇賴公殲於一旦因立石頌功

陳起龍

富陽縣志字雲從崇禎進士授建昌府推官累擢福建布政司參政分守漳南時賊首江世英

功修新工通志 卷一百七十一 武功一



等往來剽掠漳潮間起龍修理城具選練精銳全郡  
時以無恐未幾雲霄撫寇告警起龍單車赴之及至  
浦城賊已據盤陀嶺起龍曰險易未習宿衛未周法  
當先守後戰乃分隊登陴四門懸燈布列率先週巡  
三晝夜口不嘗殮目不交睫賊勢不支其首徐連等  
鳩黨數百乞撫起龍度此屬忽撫忽叛法在不赦審  
其桀驁者盡斬  
之諸寇悉平

許當俊

餘杭縣志崇禎間由吏員任廣東曲江主簿值  
流寇圍城據帽頂山俯瞰城中當俊夜簡壯士

斫其營一鼓奪之賊善妖術城門忽自開當俊急撤  
屋材沿城樹柵賊不得入又謂知賊間在城中者啖  
以重利使反為我用誘妖首近城取賞伏壯士出不  
意擒之賊計阻解圍去城賴以全巡撫張鍾心上其  
功陞木省  
惠州經歷

國朝

吳六奇

廣東通志號葛如少落拓不事家人  
成委守豐順嶺山寇

特

定粵六奇中路迎調率眾附授總兵官開闢饒  
會土寇江龍署大埔鄭徽據湯坑六奇悉討平之順  
治十年潮鎮鄉尚久叛各鎮多從六奇抗不肯附攻  
其力潮既恢復紀功獨多  
在潮修府庠建明倫堂又建饒平大埔兩學及置鳳  
城驛太平公館卒  
贈少師諡順恪


謹按吳六奇海  
陽籍本海寧人

趙廷標

錢塘縣志叔文錢塘人順治三年以諸生從  
軍除福建永定縣知縣境久藪賊廷標至會迎

春東郊廷標覆甲墮間而集諸耆老率兒童伎樂張  
綵設伏闖圍都以迎賊不疑有備羣趨之覆起掩殺  
環數十里餘賊散去遷湖廣衡州府同知攝府事督  
撫共薦遷常保分守道康熙辛丑備兵安普撫夔夔  
諸蠻而寧州彌勒州各土官誘諸蠻反征蠻軍四出  
以廷標監軍決策行間復故時維摩地安慰巴盤八  
甸間諸蠻以寧調廣東廣肇南韶道川湖兩廣八排  
嶺諸寇聞廷標至立解連州寇起鎮臣以勦捕方畧





委之廷標諸寇聞廷標至亦即就撫補長沙鹽驛道先是長沙陷賊甫恢復軍書旁午一切芻蕘械仗舟師笨役征徭去來者絡繹於路廷標砥力辦給不悞晷刻因併理糧儲道事康熙戊辰遷陝西糧儲道以病牒上會武昌兵變羽書來湘潭廷標強起視事書課儲時夜巡警以防竊發累月而病甚旬歸卒於家廣東通志廷標在粵東盜聞其名輒遁去舊有分巡使者柴薪錢屏不受給民之災弱無告者湖廣通志廷標在楚接士以禮御民以慈除鹽務陋規禁漕權夙弊每行部至衡父老子弟咸曰吾慈父至矣

王玉璧

公舉事實字楚珩仁和人武鄉試第一順治壬辰會試復第一殿試第一甲第一授福建都督

僉事時海寇屯漳攻泉州興化屬邑惠安同安告失而漳之南靖長泰漳浦詔安四縣先陷於賊玉璧復惠安同安解泉州圍隨從提督恢復漳城并四縣玉璧以諸邑淪陷且漳城兵燹之餘傾廢已盡請免諸邑罪民以築城海寇復突陷閩安鎮直逼省城巡撫宜永貴命玉璧借撫標分頭堵禦帶兵不滿三百出奇力戰用大砲破賊木城於西城龍腰斬奪雲梯生擒賊首楊炯韓泰等賊遁去而城獲全陞陝西延綏

定邊都督同知調任津衛總兵  
致仕家居三十年年九十卒

嘉興府

漢

朱買臣

漢書本傳字翁子會稽吳人武帝時名待詔時東越數反覆買臣因言故東越王居保泉山一

人守險千人不得上今開東越王更徙南行去泉山五百里居大澤中令發兵浮海直指泉山陳舟列兵席卷南行可破滅也帝拜買臣會稽太守居歲餘買臣受詔將兵與橫海將軍韓說等俱擊東越有功徵入為主爵都尉

南北朝

陸黠

海鹽縣圖經黠海鹽人太清之亂侯景遣其將宋子仙攻沒吳郡以偽太守蘇單于守之黠舉義有衆數千人乘子仙進兵錢唐夜襲破郡殺單于推鄉人前度支尚書陸襄行郡事黠與襄兄子映公帥衆

拒子仙子仙還兵來攻戰於淞江時同義者有陸緝戴文舉等景以鹽人起義破吳因分海鹽胥浦二縣為武原郡不復令屬吳云

五代

高彥

十國春秋海鹽人初與同縣沈夏受武肅王意密謀誅都將徐及其首歸王前後從征多顯功擢海昌鎮將會湖州刺史李繼徽棄郡奔淮南彥隨王親巡其地下山是雅屬意彥題詩嬰蘭堂壁曰我以此州授汝奏遷湖州制置使旋升刺史封渤海公

朱行先

朱府君墓誌亭蘊之開元府海鹽人少親戎律長習武經始隸職於建寧都從高彥所在征討累有功績等彥分符署渚行先亦隨於治所用為心管鄰境有寇總握兵柄仗劍前驅無不望風瓦解彥卒高禮亂行行先奮臂一呼率眾歸國吳越王鏐封協力勤王功臣等封佐正匡國功臣加封右僕射仍委之靜海劇鎮行先版築城壘不日而就勞於民卒乘軒陸鎮縣和同恩威並行緩猛得所以鹽大元

年秋終於靜海官舍

謹按朱行先墓誌作者姓氏無考海鹽文獻志僅載鸚名故闕之

宋


王子武

兩浙名賢錄嘉興人初為統軍時寇方臘作亂橫行州邑來攻秀州去城南一舍而陣號十萬子武自太守曰今日之政公職守子武職職請背城借一以報國乃下令簡精銳五百人長兵在前短兵在後弓矢分左右翼夾射遂啓門鼓噪而出太守復率百姓登陴播鼓發賊以助之屋瓦皆震戰士勇氣百倍以一當百賊大駭奔潰追奔數十里斬首五千級築京觀五以表其功賊遂退據臨安不敢北向以窺江淮者山子武

疎之經

嘉興府圖記字仲綸崇德人教授德安會有邊警與諸生習兵法金入寇郡將命奉檄求援夜縋城以出至鄂告宣司發兵二千人又倍道星馳達行在所得兵符調江池孟師齊等軍赴援金遁去陳





東作湘江通志 卷一百一十一

攻守得失軍政繆戾數十事請善軍法盡全黃表  
加賞罰以肅軍旅時皆壯之二

元

楊樞 黃涪楊樞墓誌字伯機嘉興人大德五年甫十  
九致用院俾以官本船浮海至西洋遇親王合贊

所遣使臣邨懷等如京師遂載之以來邨懷等朝貢  
事畢請仍以樞護送西還丞相如其請奏授樞忠顯  
校尉海運副千戶佩金符與俱行以八年發京師十  
一年乃至其登陸處日忽魯謨斯云是役也往來長  
風巨浪中歷五星霜凡舟楫糗糧物器之類一出於  
已不以煩有司既又用私錢市其土物自馬黑犬琥  
珀蒲萄香酒之屬以進平章政事察邨等引見宸慶  
殿而退方議旌擢而樞疾作歸家二十載泰定四年  
起為昭信校尉常熟江陰等處海運副千戶給慶紹  
溫台漕輓之直力對宿蠹指魁之弊至順二年陞松  
江嘉定等處海運  
千戶命下而卒

庚

李文榮

萬曆嘉興府志嘉善人歷太僕寺丞謫成北  
遇靖難以守城功擢江西參議賜以奉天御前  
鐵牌一面部內寇發隨宜誅  
勦既而入覲賜襲衣致仕

彭程

海鹽文獻志襲指揮僉事素負膽畧知天文正統  
十三年寇鄧茂七據延平程率兵往征十四年正  
月哨延平下營遇某帥招飲程移營不赴夜賊偷營  
不值明發帥問故程曰下營時有怪風占必有偷營  
者以故移營軍中欽其神明是時都閩陞大兵屯一  
山程兵寡傍溪下營寇首朱必森率眾隔溪呼而指  
之曰我去先殺盡大營回鋒盡殺此營程聞謂眾兵  
曰賊回我等藿粉矣眾須奮勇盡死力一戰方得生  
寇乘勝回下溪水挑戰程兵跣足迎之半渡寇鞋鞞  
河亦擊之大敗追數里程初率兵赴沿山圍木柵作  
城以拒寇寇數挑戰軍士郭阿保善舞牌劉蠻驢善  
使鐵叉郭先跳出木城有騎寇從高斧之郭以牌迎  
斧隨勢伏地劉繼以叉架其斧郭閉牌起斬馬足寇  
隆劉刺之斃乘勝進攻寇大敗牌盡黑邊寇望見黑  
邊牌輒驚曰彭軍至矣急遁去攻後洋前洋寨鷺峯  
山大竹口嚴家烏黃金井累斬首數百級擒首寇三

加修折工通志 卷一百一十一 武功一

招撫一千二百三十餘九月凱還景泰元年二月寇葉宗留復叛率兵往征五月守永康七月游義沙灘滄攻麻洋龍潭破二年五月天井背大戰追至紫草菴周秦寨斬首無算擒首寇五五年陞指揮同知

金禮

正德嘉善志字敬之景泰進士授部郎陞雲南參議討之抵賊巢折賊不下數百渠魁數十亦相繼成擒民逃竄者布令撫集邊方以寧陳情終養歸

陶照

東僉事時大盜唐大鬻起惠潮梁聞擊起清遠照察士兵陳時亮有才識召入授以進止畏糧速捕廣中悉定改四川參議藍鄢作亂蜀人驚擾先是道過新都地衝而無城即日命城之城畢而寇至人賴以安陞副使備兵威戎威邊郡瘠耗而守臣徐參將者性鷲酷日鞭撻軍吏羗夷聚四萬眾謀奪參將照單騎出撫諭以威福眾泣拜解散乃繩參將部下以壘羗夷心而參將快快弗平反誣照致變竟罷歸數年復官河南陞雲南右布政時有盜稱大眼者鳩眾橫行嶺峨間照至即平

定之陞四川左布政

姚鵬


兩浙名賢錄字鳴南崇德人弘治進士授龍溪知縣陞工部主事歷知韶州府時廣寇高快馬長朱白毛者嘯聚數千餘人焚劫州縣當道以鵬才請於朝特給令牌便宜進討甫三月而殲其魁餘黨悉平又土酋岑猛據險犯順莫敢櫻其鋒鵬身入其巢百計開誘圖其形勢而出提督按圖期會進兵除勦擢福建鹽運司使尋陞山東布政使以疾卒

陶炳

萬曆嘉興府志嘉興人世襲海寧衛左所百戶喜談兵工騎射正德初以將材舉從討開常累征蔡六二正浩八陳邦四俘獲甚夥陞本衛正千戶

王三錫

桐鄉縣志字汝命嘉興人嘉靖進士任保定府推官守制歸里家桐鄉適倭寇數萬至參將宗禮軍覆皂林督學阮鶚移鎮邑城賊首徐海陳東等四處結圍攻甚急鶚同令金燕趣召士紳共議守禦三錫散千金懸賞格募敢死士夜出劫賊多所斬獲海製雲梯二座夜牽其一於城下焚之其一傍北水



門樓高於城數尺賊鎗已進聚矣時用鐵鎔汁灌灑之賊墮樓死者甚眾海討畧窮東又力為撞木攻東水門城幾陷有為縶挽計者三錫親挽之船來不得去隨用鏡鈎布索縛而鋸之賊懼宵遁相持月餘流矢貫髮丸石過脇下終不肯

馮阜謨

海鹽縣人嘉靖進士授刑部郎歷廣東左參議分守惠潮賊張璉據饒平西

聯大埔蕭雲峯程鄉林朝曦而外與倭寇及海盜相倚角督府以阜謨行兵備事先計招海寇王伯宣協力遂倭復用吳孝廉說降雲峯璉勢孤遂成擒久之朝曦亦敗三穴盡平是時督府以兵七哨進攻阜謨統烏槎哨居中功最多擢福建左參政歸後臺臣數以邊才薦卒於家

沈伯龍

分省人物考字雲卿嘉興人嘉靖乙丑進士為內江令有惠政時直指貪悍數伺其隙而不得

及伯龍內召將行直指盛氣而前盡發其行橐止俸數金直指赧顏退補禮科給事中出守川南會有九絲之亂九絲負險以抗有司束手不敢問伯龍奮然率諸從事曰人臣委身事君政在今日諸君更何待

吳鵬

萬曆秀水縣志字萬里秀水人嘉靖進士參議黔中適福酋桀驁不恭奉詔往諭福伏地稽首謝罪

安南遂定黠賊陳日輝據險以叛鵬親冒矢石率驍將擒之諸洞悉平督理漕河師尚詔攻陷歸德鵬倉卒調兵擒其梟將王千劬等賊

朱先


萬曆嘉興府志秀水人膂力膽氣辟易千人嘉靖間胡宗憲懸賞格購倭首先手刃凡數十以首級

獻不受賞曰丈夫志在立功何以賞為宗憲奇而用之歷疆場凡四十年累官總兵絕聲伎之好亦不置田宅園圃輕裘緩帶

金丹

萬曆秀水縣志嘉善人居秀水少為諸生喜談淮陰雅陽事龍韜虎鈴無所不窺尤精著數會倭寇

內犯制府檄為間諜嘗從威繼光行間多所俘獲累功官至參將已而家居人不知其為故帥云



馬千乘

嘉禾徵獻錄字國良平湖人隆慶進士知分宜縣歷遷廣東僉事所屬羅隴山洪流深塹為盜賊肅聚會兵勤平之歷廣東按察使值黎人叛聞千乘在粵威名遂解散去秩滿歸卒

馬繼武

萬曆嘉興府志海寧衛指揮呈圖子呈圖與倭戰死繼武每以父讐為恨萬曆八年四月有倭船泊岸繼武親督官兵戰於西磯海洋翠沉倭船生擒倭數十親斬酋首遙戍鄭又於大陳洋岐外生擒倭數名斬首數十師旋松門設父呈圖位集前後倭首列祭於前勸哭再拜擢江南副總兵累陞都督僉事提督大教場水陸官兵

盛萬年

嘉禾徵獻錄字伯恭秀水人萬曆進士授刑部主事歷遷廣東參政分守嶺西辛丑四月倭寇吳川邑故濱海憑隈門為天險聞有海船名曰船者往來貿易奸徒勾倭藏其中入限門登陸焚劫萬年購義勇配狼兵協力出戰賊宵遁五月倭大舉寇雷州萬年在高州聞報曰高雷相去六百里從陸往賊必知之非拒則遁若從海道一日可至出其不意必咸擒矣乃料戰艦六十艘揚颶抵雷倭方踞民廬


飲軍從市口撤屋而焚之賊奔突不得出繼而六月倭寇廉州萬年又令遊擊黃某拒之俘敵五十沉其艘腫二自是賊不敢復寇粵制請添右江監司部議以萬年往建署賓州時柳賓剗賊寇暴名土司黃文輝授以方畧出奇搗其巢攻破石牌中埠邑敵邑雨等寨賓州平惟遷江縣洛春感岸中謝等賊桀驁難制萬年請調廣東兵二千東會於賓佐以本營分路搜賊寨深入俘斬二百餘悉招降遷江亦平時柳州劉天仙陸大成等賊謂官軍急賓未暇及已萬年別檄土司各以計擒其渠魁餘皆潰散柳州平明年

朱

巡至柳州謀報賊眾數千將以夜半渡江乃令移舟載火具夜往伺賊半渡而擊之賊大潰自是遂無賊患遷江西按察使

賀萬祚

朱彝尊賀萬祚祠堂碑字孝延秀水人萬曆進士歷遷山東按察使僉事提督學政妖賊徐鴻儒倡白蓮教遠近煽惑萬祚佐巡撫指畫卒以決勝遷廣西布政司參政分守左江道土寇胡扶記為亂萬祚以方畧獲之招降莫敬龍所部千人置之內地別部帥扶黎三以兵出掠敬龍生擒以獻羣蠻懾服





境內盜賊悉平鎮安土司岑繼祥與歸順土司岑大倫為仇潛通安南莫敬寬密以騎象掩殺大倫劫官男州印去當事者欲徵功謀討安南萬祥曰鎮安土司世受冠帶一旦敢為禍首舍此不問問安南非計也宜治鎮安以漢法詰責安南聽其服罪當事者從其言敬寬果輸服送還官男州印轉江西右布政使分守嶺北道流賊方肆焚劫圍定安破安遠萬祥至相視羊角口背諸營堡賊聞有備引去

朱泰楨


嘉興府志字道子海鹽人萬曆進士授龍巖知縣擢御史巡按雲南黔寇斷滇道泰楨自成都發蜀中兵開道建昌踰大小丞和嶺絕金沙江擒賊首烏利長驅入雲南木西川東烏撒三大寇合數十萬犯雷益守兵僅六千泰楨董率道將擊走之斬首數千水藺烏三大寇復犯炎方泰楨樹柵為城設伏待之賊殊死鬪諸軍驅象陣橫擊之賊大奔擒竜戈資俘斬之築四石城於炎方曰懷德畏威招攜懷遠樹京觀立銘紀功焉黔國公啓元不奉法泰楨獎誘啓元共理兵事滇黔以安謐徽州府知事陞南京刑部主事卒於官


項夢原

嘉禾徵獻錄字元海嘉善人萬曆進士授刑部主事歷遷山西副使備兵懷隆鎮距京師止四百里又為陸寢肩背而羣帥暨諸偏裨合計兵不滿三千夢原自以家世起武功誓死盡職至居庸關聞有鼓噪者令帳下問變答曰宣大兵非我汎地夢原曰等王事耳張巡守雅陽李綺戰順昌豈皆汎地乎單騎問之衆訴以衣食未充夢原諭以五日為期衆懼騰叩首如期給發令就道插漢與敵目七慶毛乞炭兄弟來侵夢原預為備命守備高連率動兵拒之攻永寧且及延慶夢原遣千總馬如蛟參將王應祥等統師馳擊之合戰數日殺傷甚衆射中七慶墜馬以捷多傷亦多

許士奇

嘉興府志字雅正海鹽人萬曆進士為黃州推官累遷成都知府值奢崇明亂後士奇勞徠安集之擢川南副使時藺酋合諸巨寇焚劫黔中制府檄士奇搗藺援黔士奇監將吏練士卒築城與屯守禦備至藺酋合水西據險盡古箐中陡峻不可攻士奇構離其黨與遂破巢殄滅之陞楚臬擢布政使





康承爵

嘉興府志字德徵萬曆武進士授衛鎮撫遷浙撫中軍陞神機營遊擊清勾羽林軍時魏璫用

事承爵力求外補出守廣東破惠州山寇葉文林海寇劉香等轉廣西右叅平龍山賊崇禎初分守台金嚴破海寇張弘銘捷聞晉秩副總兵明亡遂歸死於當湖

陸敷錫

嘉禾徵獻錄字德承嘉善人以任為光祿承遷柳州通判署象州事安仁土司何公思等聲言

花蘆古陳諸賊倡亂請為朝廷除之其實欲藉是剽掠為奸邊地居民騷然聚眾數萬與土司相攻殺上官遣吏往慰諭之不解賊曰即欲撫我須陸通判來敷錫單騎往撫遂帖然散去尋署賓州事時斷藤峽雖平然道險民少間為山賊竊踞敷錫乃相要害移置衛所一十九處由是山賊遠遁桴鼓不聞以母老歸乞

姚以誠

嘉禾徵獻錄字衷一嘉興人天啓副榜入國學授蒙城縣丞流寇剽掠近境知縣托故去以誠攝縣事嬰城固守流民被害奔城者悉納之門甫閉賊大至圍城十日募壯士出奇兵擊之賊去未幾檄

解通州急餉至通共部侍郎仇維正復檄令解部戶部尚書侯恂左都御史唐世濟交薦之授南京兵馬司指揮引疾歸

柯元方


錢謙益柯元方墓誌字月傳嘉善人崇禎進士授建寧府推官署篆甌浦浦城接壤壽寧江山

蘇靛賊盤互剽掠元方募壯勇設關謀擒賊首五大王餘黨竄伏元方還郡監司償師顧以遺寇喉元方坐鑄一級已而賊嘯柘浦約日取浦城元方謂知之午夜勒郡邑兵分道掩捕質明七十餘會反手就縛諸大吏驚相告曰是果能辦賊非縮朒縱賊者當元方鐫級時屬邑令夏允彝與直指抗辨而閩人亦相率訟言之卒用得直解官歸居十五年而卒

方戡之

嘉興府志字者定海鹽人以世官陞南京大教場坐營都司大閱營兵挾餉離伍歷階上戡之

按劍叱之兵遂巡退密告司馬捕斬亂首擢瀏河遊擊金山叅將轉臨沅副總兵安奢二賊梗滇黔戡之自廣林烏蠻灘越棧度崑崙關自交阯界達臨安扼守楊林水蘭烏寇大至進屯馬龍州掘堊設伏對山



多張旗幟以疑之賊閉壘不出戡之驅象馬直衝之

賊大潰斬首四千級捷聞陞漳泉副總兵策普名聲  
必反瀕行告之黔國及撫臣既至漳將舟師逐鍾武  
合鄭芝龍烏尾船圍之斌窮蹙沉海死舟積金銀七  
船勘之禁官兵秋毫無取捷聞論功名聲賄構飛語  
中之落職歸及名聲反黔國上其書稱先見雲撫錢  
士晉議起戡之討  
名聲以老病辭卒

### 馬孟驊

嘉興府志海鹽人工騎射以世官歷陞鎮浙總  
兵出海香敗死於閩其父鳳以餘  
衆詣浙降鎮浙六載海氛寂然

### 國朝

### 錢江

鄉賢留祀冊字用信秀水人順治己丑進士歷官  
山東提學道改陝西岷洮道贛州府志順治庚寅  
江知瑞金縣縣有盜三司諫其綸許勝可僧超忠  
忠據銅鉢山聚僧兵千餘江廉得忠之仇為盜者移  
檄營將勒兵討之論思使助官兵擊賊自効忠喜  
殲其仇也信之以餘騎來是復遣人說之使偕數

騎間道疾行來... 餘黨感散因... 日汝地險衆勁孰與銅鉢... 擊甲且為超忠續其綸懼出租稅用吏教猶尚與... 復借交仇殺既而掠商賈而物會聞賊劉芳羅承慶... 等率衆附勝可嘯聚羅漢巖江請於虔撫大發兵... 之甲午八月大兵至江誠其帥曰賊據絕險攻未易... 拔當長圍以困之帥如誠賊既窘江察軍中與勝可... 有舊者遣往諭降勝可欲就撫而餘黨多不服江語... 帥曰當乘其懈疾擊之遂濟師夜進果擒勝可及... 賊十三人斬誠以千計帥旋江預言來歲師期密陳... 幕府乙未春虔撫出師聲言接漳實圖其綸遣別將... 將兵直趨縣境江會之進兵大相山親部勦鄉勇攻... 其北趨漳之師轉而繞其南陣獲俘斬無算其綸潰... 圍走移諸將分地搜捕獲之於烏橋嶺一時賊渠皆... 被擒無一脫者江在任興復雲龍橋民不... 病涉均里役俾貧富無相賀政績多可紀

### 凌翔華

廣西通志嘉善人順治進士十四年任鬱林州  
將提兵遂出賊乘虛猝至圍城翔華率眾登陴固守  
賊攻不克引去大兵在陞川勦賊者苦糧不繼翔華

勦修新工通志 卷三十一 武功一 完

運米充餉卒用滅賊  
在官未久去任歸里

譚吉璉

嘉興府志字舟石嘉興人由內閣中書遷榆林  
同知會滇蜀用兵上官檄吉璉轉餉入蜀至寧

羌州遇亂撫軍撤饗還棧道絕吉璉問道從黑水  
峪七晝夜達盤屋康熙十四年二月定邊副將朱龍  
反直逼波羅堡距榆不百里榆林道光祖是之入關帝廟聚士民  
誓神死守募壯士立忠義大會編什伍明號令製幡  
幟畫陣而守吉璉問出私財以享士而自宿城上晝  
夜調兵食衆賴以安四月綏德周繼明聚衆數千入  
神木與叛將孫崇雅合攻陷延安榆兵迎戰不利城  
中偶語籍籍多欲出降光祖夜呼吉璉曰事急矣鎮  
兵疲不足仗奈何吉璉奮額大呼曰死譚吉璉分也  
出諭士民曰忠臣我與高公為之豈貴若輩死然所  
以死守者正為若輩計耳賊一入城子女玉帛皆賊  
有耳若輩今日降明日大軍至無難類矣衆泣且拜  
曰公言是光祖出千金吉璉益以數百金間道渡河  
買粟於保德河曲以兵突圍輸之入人心始整萬五

王師至圍始解榆林既解嚴響水清平鎮羅諸堡猶為賊

保聚吉璉單騎諭降之馳至神木檄崇雅繼明曉以  
禍福崇雅繼明亦以衆降事平上功加一級久之調  
知登州遺疾卒吉璉好學工文章在榆修延綏鎮志  
論者謂可方康  
海武功志云

潮州府

三國吳

朱治

國吳志本傳字君理故鄞人隨孫堅征伐中平

五年討長沙零桂等三郡賊有功堅表治行都尉

從破董卓於陽人表治行督軍校尉堅薨治扶翼策

依就袁術後勸策還平江東太傅馬超禪在壽春

袁術拒之於山拳治與戰大破之遂入郡領太守事

修新工通志 卷一百一十一 武功二



譚吉璉 嘉興府志字舟石嘉興人由內閣中書遷翰林

譚吉璉

同知會典局用兵土官徵吉璉轉餉入蜀至

差州遇亂撫軍撤餉還棧道絕吉璉聞道從黑水

路七晝夜遠盤屋康熙十四年二月定邊副將朱龍

反直逼波羅堡堡軍輸不百里榆林道高光社問計

安出吉璉其書利書狀光祖是之入關帝廟聚士民

誓神死守嘉州士立忠義大會編什伍明號令製橋

檝盡陣而守吉璉出私財以享士而自宿城上晝

夜調兵食聚賴以安四月經德周繼明聚眾數千人

神木與叛將孫崇和合攻陷迺安輸兵迎戰不利城

中偶諸籍籍多欲降光祖夜呼吉璉曰事急矣鎮

兵敢不足使奈何吉璉奮勇大呼曰死守此志也

城九日盡百忠臣與城為一入城守城者皆賊

賊登城盡殺李吉璉夜學工文章亦餘餘與志

願願崇謙謙即衣白象斜曳一上世世不嫁入之隨

和樂吉璉單體備餘之銀至輒木燃崇謙謙思誠以

王昭至圍破敵餘林鴻繪蠟警水派平難錄崇謙謙餘錄

勅修浙江通志卷一百七十二

人物

武功二

湖州府

三國吳

朱治

三國吳志本傳字君理故鄣人隨孫堅征伐中平

五年討長沙零桂等三郡賊有功堅表治行都尉

從破董卓於陽人表治行督軍校尉堅薨治扶翼策

依就袁術後勸策還平江東太傅馬禪在壽春辟

治為掾遷吳郡都尉治從錢唐欲進到吳吳郡太守

許貢拒之於由拳治與戰大破之遂入郡領太守事

建安七年

權表治為九真太守行扶義將軍征討夷

越在定東

南禽截黃巾餘類陳敗萬乘等黃武元年

封毗陵侯

領郡如故二年徙封故鄣權為吳王治每

進見權常

親迎執版交拜饗宴贈賜恩敬特隆時丹



譚吉璉 嘉興府志字舟石嘉興人由內閣中書遷翰林

譚吉璉

同知會典蜀用兵土官徵吉璉轉餉入蜀至

差州遇亂撫軍撤餉還棧道絕吉璉聞道從黑水

反直逼波羅堡保距榆不百里榆林道高光社問

誓神死守募壯士立忠義大會編什伍明號令製橋

檝盡陣而守吉璉出私財以享士而自宿城上晝

夜調兵食衆賴以安四月經德周繼明衆數千人

神木與叛將孫崇和合攻陷迺安榆兵迎戰不利城

中偶諸籍多欲降光社夜呼吉璉曰事急矣鎮

勅修浙江通志卷一百七十二

人物

武功二

湖州府

三國吳

朱治

三國吳志本傳字君理故鄣人隨孫堅征伐中平

朱

從破董卓於陽人表治行督軍校尉堅薨治扶翼策

朱

治為掾遷吳郡都尉治從錢唐欲進到吳吳郡太守

朱

許貢拒之於由拳治與戰大破之遂入郡領太守事

朱

建安七年權表治為九真太守行扶義將軍征討夷



陽深地頗有奸叛亦以年向老思戀土風自表屯

朱才

三國志注字君業善騎射權愛異之以父任為武

衛校尉領兵隨征伐屢有攻捷更折節為恭留意

朱然

三國志本傳字義封治姊子也本姓施初治未

分丹陽為臨川郡然為太守會山賊起然平討旬月

而定曹操出濡須然備大塢及三關屯拜偏將軍呂

蒙病篤權問代者對曰朱然膽守有餘可任蒙卒權

假然節鎮江陵黃武元年封永安侯魏遣曹真夏侯

尚張郃等攻江陵文帝自任宛為其勢援連屯圍城

然中外斷絕城中多腫病堪戰者裁五千人真等

起土山鑿地道立樓櫓臨城弓矢雨注將士皆失色

然宴如無恐意厲吏士伺間隙破兩屯魏攻圍然

凡六月未退不能克乃徹攻退還然各震敵國收封

常陽侯六年權自率眾攻石陽旋師潘璋斷後夜出

鏗亂敵追擊璋然還生垣敬使前船得引極遠征

乃後發黃龍元年車騎將軍右護軍赤烏九年征

相中魏將李興等聞然深入率步騎六千斷然後

然夜出逆之軍以勝拜為左大司馬右軍師然長

盈七尺內行修潔終日欽飲常在戰場臨急膽定尤

過絕人雖世無事每朝夕嚴鼓兵在營者咸行裝就

隊以此玩敵使不知所備故出

朱績

三國志本傳字公緒以父任為郎後拜建忠都

尉叔父才卒績領其兵隨太常潘濬討五溪以膽

力稱選偏將軍營下督領盜賊事然率績襲業拜平

晉

魏將軍樂鄉督魏征南將軍王昶率眾攻江陵城不

克而退績與奮威將軍諸葛融書曰昶遠來疲困力

屈而退此天助也今追之力少可引兵相繼吾破之

於前足下乘之於後豈一人之功哉宜同斷金之義


沈田子


宋書自序字敬光吳興武康人從高祖克京城

進平京邑參鎮軍軍事封營道縣五等侯義熙

元興二年拜左大司馬以五鳳中表還為施氏

先戰勝而融不進失利建興元年遷鎮東將軍





東... 卷一百一十一

五年高祖北伐鮮卑田子領偏師與龍驤將軍孟龍  
符為前鋒慕容超屯臨朐以拒大軍龍符戰沒田子  
力戰破之及盧循逼京邑高祖遣田子與建威將軍  
孫季高海道襲廣州加振武將軍循黨徐道覆還保  
如與田子復與右將軍劉蕃同攻討循還廣州圍季  
高田子慮季高孤危率軍南還比至賊已收其散卒  
還圍廣州季高聞田子至大喜田子背水結陣身先  
士卒戰破之又破循於蒼梧鬱林寧浦還至廣州  
而季高病死兵後山賊競出田子隨宜討伐旬日平  
於還京除太尉參軍振武將軍賜爵都鄉侯八年從  
討劉毅十一年復從討司馬休之屯據青泥姚泓軍  
田子與傅弘之領別軍從武關入屯據青泥姚泓軍  
數萬奄至田子兵數百欲擊之弘之曰彼眾我寡  
難可與敵田子曰師貴用奇不必在眾弘之猶固執  
謂先人有奪人之志也獨率所領鼓而進合圍數重  
撫慰士卒曰諸君親戚棄墳墓出矢石之間正希  
今日耳封侯之業其在此乎乃棄糧毀舍躬勤士卒  
前後奮擊所向摧陷所領江東勇士便習短兵鼓譟  
奔之賊眾潰散所獲萬餘人長安平高祖燕於文昌

殿舉酒賜田子曰咸陽之平卿之功也卿授  
平二郡太守大軍既還桂陽公義真留鎮長安以  
子為安西中兵參軍龍驤將軍始平太守時佛佛  
寇田子與安西司馬王鎮惡俱出北地禦之論者謂  
鎮惡欲盡殺諸南人以數千人送義真南還因據關  
中叛田子與弘之謀請鎮惡計事使宗人敬仁於坐  
殺之率左右數十人自歸義真長史  
王修收殺田子於長安藥倉門外  
沈叔任 宋書沈演之傳演之武康人父叔任少有幹質  
初為揚州主簿山陰令皆有聲宋齡石伐蜀為  
齡石建威府司馬平蜀之功亞於元帥為巴西梓潼  
郡太守戍涪城東軍既反二郡強宗俊勸羅奧聚眾  
作亂四面雲合遂至萬餘人攻城急叔任東兵不滿  
五百推布腹心眾莫不為用出擊大破之逆黨皆平  
高祖討司馬休之齡石遣叔任率軍來會時高祖領  
鎮西將軍命為同馬及軍還以為揚州別駕從事  
以平蜀全涪之功封寧新縣男出為益州刺史  
刺史以疾還都義熙十四年卒子演之為益州刺史

功修折工通志 卷一百一十一 武功二



沈林子

南史沈約傳林子字敬士田子弟少有大度... 恩屢出會稽武帝致討林子乃自歸盡室移京... 熙合封資中縣五等侯從伐慕容超平盧循並著軍... 功復從征劉毅討司馬休之輒摧鋒居前賊黨郭亮... 之屯據武陵林子率軍討之斬亮之於七里澗復討... 魯軌於石城軌棄衆走武帝伐姚泓參征西軍事加... 建武將軍統軍為前鋒從汴入河徇河東太守尹昭... 據蒲坂林子與冠軍檀道濟同攻蒲坂王鎮惡攻潼... 關泓遣姚紹據潼關林子謂道濟曰潼關天阻形勝... 之地鎮惡孤軍勢危力屈若使姚紹據之則難圖也... 及其未至當并力爭之若潼關弗持尹昭可不戰而... 服道濟從之及至紹舉關石之衆設重圍圍林子及... 道濟鎮惡等道濟議欲渡河還其鋒或欲棄捐輜重... 還赴武帝林子按劍曰下官今日之事自為將軍辦... 之然二三君子同此心也... 以見相公... 人犯其西北... 以千數悉獲... 兵守險林子銜枚夜襲... 復遣姚讚將兵中河上林子連破之... 等屯據九泉憑河同險以絕糧援武帝復遣林子... 戰大破之斬伯子所俘獲悉以還紹使知玉... 紹疽發背死讚統後軍復襲林子林子與之連戰皆... 捷帝至閬鄉姚泓掃境內兵屯曉柳流圍子白武關... 北入屯軍藍田泓自率大軍攻之帝遣林子步自秦... 嶺以相接援比至泓破走林子威震關中豪石望風... 請附長安平大軍東歸還至彭城帝合林子差次勳... 勤隨才授用文帝出鎮荊州以林子為西中郎中兵... 參軍領新興太守以佐命功封漢壽縣伯永初三年... 卒諡

沈慶之

南史本傳字弘先武康人少有志力孫恩寇武... 康慶之未冠隨鄉族擊之屢捷以勇聞趙倫之... 見而賞之命子伯符板為寧遠中兵參軍竟陵蠻為... 寇慶之設規略擊破之永初二年除殿中員外將軍... 北侵隸檀道濟道濟白文帝稱慶之忠謹曉兵上使... 領隊防東掖門元嘉十九年離州羣蠻大動以慶之... 為建威將軍率衆進討大破緣沔諸蠻後為孝武撫... 軍中兵參軍孝武以本號為離州隨府西上征蠻寇



屢有功還都復為廣陵王誕參軍離州蠻又為寇慶  
 之復隨誕入沔伐沔北諸山蠻大破之羣蠻皆稽顙  
 慶之患頭風好着狐皮帽羣蠻號曰蒼頭公每見慶  
 之軍輒畏懼曰蒼頭公已復來矣慶之引軍出前後  
 破降甚眾所獲蠻竝移都下以為營戶二十七年遷  
 太子步兵校尉至三十年孝武出次五洲總統羣帥  
 慶之至詔受軍略會元凶弒逆遣慶之引諸軍慶之  
 處分旬日內外整辦時皆謂神兵孝武踐阼以為領  
 軍將軍封南昌縣公孝建元年魯爽反遣慶之與薛  
 安都往討之安都朝爽進征北將軍爽反遣慶之與薛  
 公大明三年竟陵王誕據廣陵反慶之帥眾討之至  
 城下誕登樓謂曰沈君白首之年何為來此慶之曰  
 朝廷以君狂愚不足勞少壯故使僕來耳至聖造攻  
 道立行樓土山并諸攻具每攻城身先士卒七月斬  
 誕進司空四年西陽王燾復為寇慶之統諸軍討  
 平之前廢帝即位以為侍中太尉盡言諫爭帝遣其  
 從子攸之齎樂賜死時年八十明  
 帝即位追贈侍中司空諡曰襄公

**沈法系**  
 宋書沈慶之傳慶之從弟法系字體先初為趙  
 伯符將佐後隨慶之征五水蠻世祖伐劬以為

沈法系

南中郎參軍領三千人前發與柳元景旦

南中郎參軍領三千人前發與柳元景旦  
 景居中營宗慤居西營法系居東營東管據岡賊  
 元景法系臨射之所殺甚眾慤外樹悉伐之合倒賊  
 來攻緣樹以進彭排多開隙選善射手的發無不中  
 死者交橫事平以為寧朔將軍始興太守討蕭簡於  
 廣州臺軍將至簡誑其眾曰臺軍是劬所遣竝信之  
 城內固守初世祖先遣鄧琬圍簡唯治一攻道法系  
 至日宜四面竝攻若守一道何時可拔琬慮功不在  
 已不從法系曰更相申五十日盡又不克乃從之  
 入道俱攻一日即拔斬簡廣州平封庫藏付琬而還  
 官至驍騎將


沈璞


宋書沈璞字道真林子少子元嘉十七年始興王

沈

時王師北伐彭沛無虞璞以強寇對陣事未可測郡

首淮潤道當衝要乃修城壘後重障聚財石積鹽米  
 為不可勝之算俄而拓跋燾自領步騎數十萬陵踐  
 六州腹心勸璞還京師璞曰若彼大眾不盼小城故  
 無所懼若肉薄來攻則成擒也諸君何嘗見數十萬  
 人聚在一處而不敗者昆陽合肥前事之明驗此吾





報國之秋諸君封侯之日人情乃定收集得二千精  
手日足矣賊至四面蟻集攻城璞隨宜應拒攻守二  
旬殄其大半燾乃遁走太祖嘉璞功効  
遣中使褒美徵還淮南太守賞賜豐厚

沈文秀

宋書本傳字仲達武康人慶之弟子也景和元  
年遷青州刺史太宗定亂晉安王子勛據尋陽

時徐州刺史薛安都已同子勛文秀應安都泰始三  
年歸命請罪即安本任先是冀州刺史崔道固亦據  
歷城為土人起義所攻與文秀俱遣信引魏魏遣將  
慕容白曜率大衆援之文秀已受命乃乘魏無備  
縱兵掩擊殺傷甚多魏進軍圍城文秀善於撫御將  
士咸為盡力每與魏戰輒摧破之掩擊營砦往無不  
捷太宗進文秀號輔國將軍八月魏蜀郡公拔式等  
馬步數萬人入西郭直至城下文秀使輔國將軍植  
謹擊破之九月又逼城東十月進攻南郭文秀使員  
外散騎侍郎黃彌之等邀擊斬獲數千四年又進文  
秀號右將軍封新城縣侯魏圍青州積久太宗所遣  
救兵並不敢進文秀被圍三載外無援軍士卒為之  
用命無離叛者日役戰鬪甲冑生蟻虱五年為魏所  
陷城敗之日解釋戎衣緩服靜坐命左右取所持節

魏既入兵刃交至問曰青州刺史沈文秀何在沈秀  
厲聲曰身是囚執之白曜在城西南角樓文秀至白  
曜前執之者令拜文秀白各二國大臣無相拜之禮  
曜命鑣送柔乾文秀在柔乾元十九年齊之永明四  
卒

沈攸之

南史本傳攸之字仲遷慶之從父兄子也元嘉  
二十七年魏軍南攻攸之隨慶之征討二十九

年征西陽蠻始補隊主巴口建義授南中郎府板長  
兼行參軍新亭之戰身被重創事寧為太尉行參軍  
封平洛縣五等侯又隨慶之征廣陵屢有功孝武以  
其善戰配以仇池步稍明帝即位四方反叛以攸之  
為寧朔將軍尋陽太守率軍據虎檻時王元謨為大  
統未發前鋒有五軍在虎檻五軍後又絡繹繼至每  
夜各立姓號不相稟受攸之謂軍吏曰今衆軍同舉  
姓號不同若有耕夫漁父夜相呵叱便致駭亂此賊  
道也請就一軍取號衆從之大破賊於赭圻尋進號  
輔國將軍督前鋒諸軍事薛常保等在赭圻食盡賊  
帥劉胡屯濃湖以囊盛米繫流查及船腹陽覆船順  
風流下以餉赭圻攸之疑其有異遣人取船及流查

大得囊米尋尅赭圻遷寧蠻校尉雍州刺史加都督  
袁顛率眾來入鵠尾相持久軍主張興世越鵠尾上  
據錢溪攸之率諸將攻濃湖錢溪信至大破賊攸之  
悉以錢溪所送胡軍耳鼻示之顛駭懼急追胡還諸  
軍悉力進攻胡棄眾而奔顛亦奔走赭圻濃湖之平  
也賊委棄資財珍貨山積諸軍各競收斂攸之約所  
部不犯毫芥進平尋陽遷中領軍封貞陽縣公累遷  
鄧州刺史泰豫元年以攸之為鎮西將軍荆州刺史  
順帝即位攸之得太后手令遂舉兵齊高帝遣眾軍  
西討攸之盡銳攻郢州柳世隆屢破之昇明二年還  
江陵自經死


陳伯紹

册府元龜為龍驤將軍交州人李長化據州叛  
妖賊攻廉州殺刺史羊南伯伯紹討平之廣東  
通志伯紹吳興人少英發以知勇聞事明帝泰始四  
年討平劉師道遷西江都護時合浦北界夷獠叢居  
寇盜不實略無編戶伯紹帥兵二千人獵於郡北境  
見二青牛驚走入草使人逐之不得乃志其地曰此  
地當有奇祥啟立為越州明帝命為交州刺史使經  
營焉元徽二年以伯紹為越州刺史督交越二州軍

事始立州鎮穿山為城門以保邊境俗呼為青牛城  
先時刺史常事戎馬以勦伐為務伯紹恩惠及民咸  
信洽夷獠及卒為之立祠

沈文季

南齊書本傳字伯達父慶之為景和所殺收捕  
起文季為寧朔將軍出為臨海太守昇明元年沈攸  
之起兵太祖加文季為冠軍將軍督吳興錢唐軍事  
攸之先為景和殺慶之至是文季收殺攸之弟登之  
封畧陽縣侯明年遷丹陽尹建元元年改封西豐縣  
侯世祖即位出為吳郡太守四年持節督郢州司州  
之義陽諸軍事郢州刺史遷尚書左僕射明帝建武  
二年魏寇壽春豫州刺史豐城公遜昌嬰城固守數  
遣輕兵相抄擊詔文季領兵鎮壽春文季入城止游  
兵一聽由洞開城門嚴加備守尋退百姓無所傷損  
加護軍將軍王敬則兵起文季領兵屯湖頭備京路  
承元元年始安王遙光夜遣三百人於宅掩取文季  
欲以為都督而文季已還臺明日與徐孝嗣守衛宮  
城戎服共坐南掖門事寧  
加鎮軍將軍未幾被害



章昭達

南史本傳字伯通武康人性倜儻輕財尚氣少  
 時遇相者謂曰卿容貌甚善須小虧則富貴昭  
 達因醉墮馬鬚角小傷昭達喜相者曰未也侯景之  
 亂昭達率鄉人援臺城為流矢所中眇其一目相者  
 曰卿相善矣不久當富貴臺城陷昭達還鄉里與陳  
 文帝遊侯景平文帝為吳興太守委以將帥陳武帝  
 謀討王僧辯令文帝還長城招聚兵眾以備杜龕頗  
 使昭達往京口稟承計畫僧辯誅龕遣其將杜泰來  
 攻昭達從文帝進軍吳興以討龕龕平又從討張彪  
 於會稽剋之時留吳興據東陽武帝使昭達為長山  
 令居其心腹天嘉元年封欣樂縣侯尋隨侯安都拒  
 王琳昭達乘大艦中流而進先鋒發拍中賊艦琳平  
 策勲第一除郢州刺史周迪據臨川反詔昭達便道  
 征之迪敗走徵為護軍將軍改封邵武縣侯四年陳  
 寶應納周迪共寇臨川又以昭達為都督討迪迪走  
 昭達乃踰嶺討寶應與戰據上流為筏施拍其上壞  
 其水柵又出兵攻其步軍方大合戰會文帝遣余孝  
 頃出海道適至因封力乘之定閩中擒留異寶應以  
 功授開府儀同三司尋授江州刺史光大時改封邵  
 陵郡公宣帝即位歐陽紇據嶺南反詔昭達都督眾

軍討之紇出頓淮多聚沙石盛以竹籠置於水柵  
 之外用遏舟艦昭達居其上流裝籠造拍以臨賊柵  
 又令人銜刃潛行水中以斫竹籠籠後解因縱大艦  
 突之大敗紇禽送都廣州平進位司空大建二年率  
 師征梁明帝於江陵明帝與周軍大蓄舟艦於青泥  
 中昭達分遣偏將錢道戢程文季乘輕舟焚之周又  
 於峽口南岸築壘名安蜀城於江上橫引大索編葦  
 為橋以度軍糧昭達命軍士為長戟施樓船上仰割  
 其索索斷糧絕因縱兵攻其城降之昭達奉命出征  
 必晝夜倍道其剋捷必推功將帥厨膳飲食並同羣  
 下將士以

沈恪

陳書本傳字子恭武康人梁新喻侯蕭映為廣州  
 以恪兼府中兵參軍常領兵討伐俚洞盧子畧反  
 恪拒戰有功除員外散騎侍郎侯景圍臺城起東西  
 二土山以逼城城內亦作土山應之恪為東土山主  
 晝夜拒戰以功封東興縣侯賊陷恪開行歸鄉里高  
 祖討侯景恪於東起兵相應賊平授都軍副高祖討  
 王僧辯時僧辯女堵杜龕鎮吳興高祖使世祖還長  
 城立柵備龕又使恪還武康招集兵眾龕遣副將杜

